

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1302-2/12
Sarajevo, 14. 9. 2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 17.09.2012

Organizaciona jedinica	Organizaciona jedinica	Broj	Broj priloga
		01-50-1-15-26/12	12

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje, dostavlja se

Vijeće ministara Bosne i Hercegovine je na 19. sjednici održanoj 13. 9. 2012. godine utvrdilo odgovor na zastupničko pitanje koje je postavio Šefik Džaferović, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo odgovor radi njegovog dostavljanja zastupniku.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-07-1-2555/12
Sarajevo, 13. 9. 2012. godine

ŠEFIK DŽAFEROVIĆ, poslanik u Predstavničkom domu Parlamentarne skupštine Bosne i Hercegovine, na 26.sjednici ovog Doma održanoj 19. aprila 2012.godine, postavio je Vijeću ministara Bosne i Hercegovine sljedeće poslaničko pitanje koje glasi:

„Koje mjere preduzima Vijeće ministara BiH kako bi se broj graničnih prijelaza za promet robama biljnog i životinjskog porijekla doveo u sklad s potrebama Bosne i Hercegovine? Ovo posebno u svjetlu pristupa Republike Hrvatske Evropskoj uniji. Za sada dva planirana prijelaza su nedovoljna.“

Na postavljeno pitanje, Vijeće ministara Bosne i Hercegovine je na 19. sjednici održanoj 13.9.2012. godine, utvrdilo sljedeći

ODGOVOR

Ministarstvo sigurnosti Bosne i Hercegovine je pokrenulo proceduru putem Ministarstva vanjskih poslova BiH, a vezano za otvaranje pregovora o zaključivanju novog Ugovora o graničnim prijelazima i Ugovora o pograničnom saobraćaju između Bosne i Hercegovine i Republike Hrvatske.

Na dosadašnjim održanim sastancima između predstavnika Republike Hrvatske i Bosne i Hercegovine o izmjenama dvostranih međunarodnih ugovora koji se odnose na granične prijelaze, bosanskohercegovačka strana, odnosno Državna komisija za integrirano upravljanje granicom Bosne i Hercegovine je zastupala i sada zastupa stav da pored dva dogovorena granična prijelaza sa svim inspekcijским službama (tvz. „BIP“-a) na lokacijama „Bijača“ – „Metković II“ i „Bosanska Gradiška“ – „Stara Gradiška“, bude uspostavljen i treći takav granični prijelaz sa svim inspekcijским službama i to na lokaciji „Izačić“ – „Ličko Petrovo Selo“, a u skladu sa **zaključkom**

Vijeća ministara BiH. Konačni status ovih prijelaza bit će dogovoren tokom pregovora između nadležnih pregovaračkih timova Bosne i Hercegovine i Republike Hrvatske.

S ciljem otvaranja BIP-a na lokaciji graničnog prijelaza „Izačić“ – „Ličko Petrovo Selo“, nadležnim organima Republike Hrvatske je putem Ministarstva vanjskih poslova BiH upućena informacija kojom se predlaže njegova kategorija, odnosno vrste roba koje će se izvoziti u Evropsku uniju preko pomenutog graničnog prijelaza.

Dakle, tokom pregovora bosanskohercegovačka strana zagovara uspostavu trećeg tzv. BIP prijelaza i to pitanje će najvjerovatnije biti ostavljeno kao neusaglašeno do samog okončanja pregovora.

U toku ove godine intenzivirani su razgovori između predstavnika Bosne i Hercegovine i Republike Hrvatske, a koji se odnose na reviziju Ugovora o graničnim prijelazima između dvije zemlje. Predviđeno je da navedeni Ugovor bude potpisan u toku ove godine, a najkasnije do kraja 2012.godine, što je uvjetovano dogovorom dvije strane o broju graničnih prijelaza između dvije države sa svim inspekcijским službama, tzv. BIP-ovima.

Zvanično je dogovorena uspostava dva granična prijelaza sa svim inspekcijским službama (BIP-a) i to na lokacijama GP Gradiška i GP Bijača. Što se tiče uspostave trećeg BIP-a na lokaciji Izačić – Ličko Petrovo Selo, Državna komisija za integrirano upravljanje granicom BiH zastupa odluku Vijeća ministara BiH za uspostavu ovog BIP-a, iako hrvatska strana i zvanični Brisel smatraju da su u ovom trenutku dovoljna dva takva prijelaza na već dogovorenim lokacijama (Bijača i Gradiška), s obzirom na mali promet robama preko ovog graničnog prijelaza.

Državna komisija za integrirano upravljanje granicom BiH je zauzela stav da se pored navedena dva, odnosno tri BIP-a, od hrvatske strane traže još dodatna **tri granična prijelaza** preko kojih će se u **Hrvatsku odnosno EU**, izvoziti roba biljnog porijekla i na kojima će biti uspostavljena samo fitosanitarna inspekcija i to na sljedećim lokacijama: Županja-Orašje, Vinjani-Gorica i Brgat-Ivanjica. Ovaj stav je i zvanično dostavljen hrvatskoj strani kao stav bosanskohercegovačke strane.

Rješavanje ovog pitanja je ostavljeno za naredne pregovore u okviru čega će se konačno rješenje, vezano za treći BIP i dodatne granične prijelaze samo sa fitosanitarnom inspekcijom posmatrati u kontekstu protoka roba.